








# IO. BAPTISTAE

P I G N A E,

ORATIO IN FVNERE LVCRETIAE  
DVCIS FERRARIAE.


AD ALPHONSVM II. FERRARIAE  
D V C E M V.



*ic Ant. Bore*

V E N E T I I S,

M D L X I.



# IO-BAPTISTAE

ET ALII

QUI IN ECCLESIA BAPTISTARUM

CONGREGATI SUNT

IN ECCLESIA BAPTISTARUM



1844

1844

1844



IO. BAPTISTAE PIGNAE  
ORATIO INFVNERE  
LVCRETIAE

*DVCIS FERRARIAE.*



AD ALPHONSVM II.

FERRARIAE DVCEM V.



I PRISCORVM Sapientum,  
Alphonse Princeps, dogmata se-  
queremur, nos animum rerum  
omnium notitia imbutum hauri-  
re, esset potius afferendum, quàm  
nudum & omni cognitione pror-  
sus carentem. nam si hunc albam tabellam effinga-  
mus, quæ huiusmodi semper remaneat, nisi colore-  
tur, doctrinam, & iudicium nunquàm fieri nisi disci-  
plina, & experientia, egereq; propterea longo tempo-  
ris cursu id indicet necesse est. cum autem interdum  
adolescentiores plus sapiant, quàm senes, mentem  
esse purissimam, & plenam cunctis virtutibus exi-



stimabitur, sed corporis contagione inquinari. excitatam vero deq; lethargo surgentem multum excellere. alligari etiam in aliquorum membris quę illam tantum retinent, suiq; muneris ministram liberam relinquunt, ita vt neq; omnino deuinciatur, neque villo implicato nodo constringatur. Qui ita nascuntur, itaq; ui propria è terrena mole subleuantur: & quęq; vincula sponte dissoluunt, ratione plurimum valent, atq; ijs aliquando sunt præstantes, quę nec scientia nec vsu fuerunt affecuti: neque rei cognitę similitudine vlla comprehenderunt. Lucretia coniux tua amabilissima, quàm Alphonse vt viuentem omnibus officijs vnice dilexisti, ita è viuīs ad cœlites sublatam magnifica hac sacrorum pompa pie veneraris, quantum polleat facultas illa, qua inuitis sensibus intelligentia & morum moderatio primis ferè annis facile & subito vigent, non Hetrusco solum patrio solo, nobisq; omnibus declarauit, sed vniuerso terrarum orbi. ad cuius extremas partes, beatę vitę forma, iuuenili hac ætatē absoluta, fama & fulgore peruenerat. Quas rationes puella hæc, maturę prudentiæ vix adscribendas, in quacunq; proposita re statim afferebat? quibus se prudentissimam actiō nibus comprobabat? quę consilia ad opus semper ab illis, qui ea acceperant, conuertenda? quę facta omnium oculis & imitatione dignissima? Effulgebat augustis regiæ scēminæ virtutibus, non solis muliebribus angusto tantum loco conclusis, atq; contentis. non ignara tamen artium, quę cum decoro

exercentur . Quòd si latum imperium summa cum gloria administrasset, si ad ardua & excelsa potius erigebatur, quàm se ad molliora procliuem atq; inclinatam præberet, in iucundis tamen studijs in procerum & matronarum coetu honestissima comitate & parvis acutisq; salibus primas tenere partes videbatur . Tot virtutes formosa facie, fronte pro arbitrio hilaris atque seuera, graui suauisq; gestu, quasi syderibus cœlo additis, mirum in modum decorabantur . Cum vero de Medicea familia longo & vario potentum Principum dominatu, exercituum Imperatoribus, Reginis & maximis Pontificibus nobilissima prodiret, indeq; plurimum splenderet, tum splendor geminabatur, quod in Atestiniam domum concessisse seculis innumerabilibus maiorum armis & regno continuato, perpetuoq; sanguinis primi riuo, unde plura per orbem terrarum eaq; amplissima imperia manarunt longe clarissimam . thalamum ingressa, qui Aragonum, Pannoniarum & Christianis. regum filias acceperat . Honos etiam duplicabatur, quod orta esset genitore, qui consilio, forti animo, & factis egregijs, aduersis tot casibus in illum, ac si essent hydræ capita, insurgentibus, recisis, atq; restinctis, noua que ditione veteri, non veteri cedente, adiuncta, gloriæ, vel potius diuino honori . cuius eximia cupiditate flagrat, cui se suaq; omnia dicauit, de superatis infortunijs tropheum erexit. quod orta esset genitrice stirpis in Hispanijs regulorum Toletanorum in primis illustrissimæ : ingenijque populorum

administrationes & difficillima negocia acutissime penetrantis : cura autem domestica acerrimi : vt liberorum in liberalium artium exercitatione, atq; in literis & potissimum in sacro cultu educatio aperte testatur . Quod ei frater esset primo loco natus maximus princeps, ceteri vero fratres vel sacerdotij, vel militiæ dignitatibus insignes : sed quod præter hæc generis sui ornamenta tibi Alphonse Duci optimo atque fortissimo, cuius laudes ne memorem tua me prohibet præsentia, collocata esset . quod nutrimenta, quæ in regione vrbeq; pulcherrima & in paterno regno susceperat, in hac ora ciuitateq; nullis alijs pulchritudine inferiori, & in principatu proprio in adulescentiam perducere vidisset . Augebatur prosperitas, quia sponsa & Princeps puerilibus propè annis & eodem penè tempore Dux euasisset . materq; etiam futura, si superi longiorem eius apud nos moram tulissent . sed cum in dies celum magis mereretur, & fructus pro floribus, acerba ætate non maturos solum, sed præter naturæ legem diuinos, edidisset, ita vt diuturnior eius mortalis vita, mortales nimium bearet, contracto in iuuentutem supremo senio, & suprema luce, in hisce tenebris indicata, ad sedem redijt, de qua, vt nos sui exemplo ad certissimum bonum accenderemur, descenderat . æternoq; igne efflato, nobis hos cineres, vix eius imaginem adhuc seruantes, reliquit : hos cineres nostris lachrymis largoq; fletu madefactos . Vbi simulacrum illud, non modo proprii animi, cuius erat hospitium, sed decoris altissi-



mi, quo fuerat constructum, effigies? cuius particulam paululum prospicientes, coelos apertos & beati æui ver perpetuo floridum intuebantur? Vbi forma illa ingenua, species illa sublimis & honesta; si maiestatem regiam spectares, veneranda; si vultum placidum, serena; si vtrunque simul, decenti temperamento admirabilis? Vbi actio illa vere corporis quædam eloquentia? actio illa sedata, alacris, plena modestiæ, plena spiritus? qua vndequaq; calamitates, mœrores, ægritudines, luctus, quod eam ferre non possent, concidebant atq; disperdebantur? qua vber rima bonorum omnium copia cumulabamur? Hoc ne illud os suauissimum, è cuius fonte aurei sermonis flumina emanabant? vnde dicta insignia & breuissimæ sententiæ ad bona vitæ instituta & ad rectum agendi vsum formabantur, Mediceorum ipsiusq; potissimum propria? vnde verba nos ad præclarissimas res gerendas, nobis humo in superna sublatis, impellentia? Hæc ne illa iucunda lumina, quæ angelicæ faces virtutis vibrabant? quæ sensus tenebris excussis, torpente animo excitato, radijsq; purissimis purgato, splendore mentem, ad quam dirigebantur, illustrabant atque perficiebant? extincta sunt hæc omnia: cumq; his omnibus extincta lux huius nostri seculi. Sed hæc erant spolia: caduca scilicet: nilq; mirum si consumpta atque hic relicta. Tu vero Lucretia quo recessisti? quo recessisti Lucretia? in patriam ad Deum: ut postquam absens illius munere perfuncta esses, præsentia quæ est vera gratia fruereris. Munus tuum fue-

rat animorum, qui sunt hoc in orbe inferiori, administratio. Nam cum pater Opt. Max. mundum vniuersum crearet, singula distinxit: ijsq; moderatores præfixit. turbasset enim terra aerem, aqua, ignem: commixto coelo cum igne, aere, aqua, terra: cumq; coelo, terra, igne, aqua, aere, nisi elementa secreta, certoq; ordine disposita inum sibi locum vendicassent, sublimi æthereis corporibus assignato. quæ vt proprijs intelligentijs substernuntur, ita nos rationis participes hunc globum incolentes, diuinis ducibus, quibus regamur, indigemus. Et quemadmodum armenta humanæ cognitionis expertia ab homine custodiuntur, homines pariter uirtuti heroicæ subiecti heroem principem agnoscunt. Est itaque heros minister Dei, a quo finientibus uitæ terminis ad se reuocatur. ideoq; nouis rectoribus reficiendum est humanum genus, ne perdatur, ueris dominis deficientibus. Sed ne hic orbis hoc optimo regimine superiorem equaret, hi raro è superis demitti solent. rariùs etiam qui sint admodum egregii. ut pluribus seculorum interuallis Iudæi profetæ, Græci sapientes, magniq; armis atque animis Romani. Quoniam uero uirorum est cura publica, si foemina heroica conspiciatur, quominus uisum minusq; auditum simile exemplum, eo gloria maior, maius etiam diuinæ prouinciæ argumentum. Maius præterea si officium suum citius absoluat. quia uirtus magna uehementer lateq; perfusa, motus celeritate temporis breuitatem compensat. Nostra itaque domina

heros

heros, tanquam radius apparens una & recedens, nulla penè mora hic retardata, quanta diuinitate præstaret, nostrum tanta re obiecta habes ingenium cogitationem nequit cogere, ut intelligentiæ referat. Ita libere, expedite, apposite quicquid animo intenderet perficiebat, ita delicias luxum & propria commoda recusabat; ita in prosperis eque ac in aduersis quiescebat; ita postremo cruciatus diuturna primum ægrotatione deinde acuta grauissimos pertulit, morbum contempsit, mortem irrisit; ut corpus non sepulcrum, quo humaretur: non carcer <sup>quis</sup> clauderetur, non uestis pro indumento, non uelum pro tegmine, sed umbra esset leuissima: quam uix sentiebat: qua impediri poterat, si tenui nube soli aduersa dies adeo tetra caligine, & crassis tenebris offundatur, ut esse desinat. Mens diuina nunc stelliferi domicili incola, nisi te augustæ animæ, ueluti ciuem recenti aduentu iteratis complexibus fouendam prorsus ad se traducant: nisi te totam immensa inspectandi Creatoris uoluptas ad curas nimis ab hisce diuersas nimis alliciat, attrahat, rapiat; aciem tuam huc dirige. Aspice Alphonsum tuum quem toto corde amasti, quem semper cunctis humanis rebus prætulisti, te lugentem, quod tuo coniugio, dilectissima & tutissima societate, solo uitæ suæ solamine <sup>hic</sup> sit destitutus. qui nulla poterit consolatione leniri, nisi tu aliquam emiserationis pelago deriuatam in eius pectus angore exulceratum infundas. Aspice populum tuum, tuo principatu foelicissimum, qui te colit, tum ut eius

principem, tùm ut cœlo consecratam, ac si ipsum  
tranquillitate illa uigere adhuc cupis, quam non mi-  
nus ei comparabās, quam exoptares, tuis precibus  
Deo coniunctis coniugi, uitam incolumen, & res fe-  
cundas exora.

D I X I

Habita Ferrariæ vi. Cal. Maij. M D LXI.





